



## HUIS MCFARLANE

HOOFSRAAT 416, PAARL  
POSBUS 281, PAARL, 7620  
TELEFOON : 021 872 3870  
FAKS : 021-8727585  
ontvangs@gimkoshuise.co.za



Liewe Ouer & Huis Mac seun

Baie welkom by die Huis McFarlane-familie. Ons sien met groot verwagting uit na u seun se aansluiting by sy nuwe weeklikse tuiste, **Huis Mac!**

Ek wil u graag aanmoedig om aangeleenthede wat u bekommer of wat u opgewonde maak met my te kom deel. Kom spreek of skakel my gerus.

Die groei van u seun tot selfstandige en standvastige jong man is vir ons as senior koshuistuiste van groot belang. Tesame met Paarl Gimnasium se waardes, bou ons karakter met Huis McFarlane se **BERG**-waardes.

Hieronder enkele punte van belang asook die daaglikse roetine, sodat alles in die nuwe jaar glad sal verloop. Die Huis Mac-boekie met alle reëlings word ook aangeheg sodat u dit saam oor die vakansie saam kan bestudeer.

### Nuwelingvergadering

Ons verwelkom u graag in die koshuis op Dinsdagmiddag 26 Januarie 2021 vanaf 14:00. Die kamers sal dan eers gereed wees vir leerders om hul intrek te neem. (Die graad 8-Gimmies slaap in Huis McFarlane vanaf die Sondag tot Dinsdag) Ek en van die huiskomiteede sal u in die voorportaal verwelkom. Ek sal u graag wil ontmoet. Maak seker ons sien mekaar. Ons wil graag met al die nuwe leerders van Huis McFarlane om 21:00 in die ontspanningsaal vergader. Ons vra dus dat u teen hierdie tyd reeds u kind gegroet het.

### Dienspersoneel

Maandag : Schalk de Wet  
Dinsdag : Gideon van Wyk  
Woensdag : TBC / Jean Stemmet  
Donderdag : Roelof vd Walt  
Aflos : Charles Mangold

### Naweekreëlings

Tref alle naweekreëlings asseblief teen 'n Woensdag, aangesien naweeklyste saans voltooi word. Indien daar 'n verandering kom, moet u vir Marieta per e-pos by [ontvangs@gimkoshuise.co.za](mailto:ontvangs@gimkoshuise.co.za) laat weet sodat ons die nodige aanpassings kan maak.



# Benodighede

Hieronder volg 'n aanduiding van wat nodig is vir die koshuisleerder.

Beddegoed & Kamertoerusting	Medikasie
<ul style="list-style-type: none"> <li>• Laken</li> <li>• Duvetoortreksel</li> <li>• Duvet</li> <li>• Kussingslope</li> <li>• Kussings</li> <li>• Winter – ekstra warm kombers en warmwatersak</li> <li>• 2 Handdoeke</li> <li>• Toiletsakkie met toiletware</li> <li>• Waaier</li> <li>• Bedlampie</li> <li>• Slotte</li> </ul>	<p>'n Houer met die volgende items is baie handig.</p> <ul style="list-style-type: none"> <li>• iets vir naarheid/braking,</li> <li>• pyn/koors,</li> <li>• ligte verkoue,</li> <li>• diarree,</li> <li>• sinus,</li> <li>• hooikoors (anti-histamien).</li> <li>• pakkie pleisters</li> <li>• bactroban salf</li> <li>• ontsmettingsmiddel</li> <li>• watte</li> </ul>
<b>Eetgerei</b>	
<ul style="list-style-type: none"> <li>• beker</li> <li>• mes</li> <li>• vurk</li> <li>• bordjie</li> <li>• lepel</li> <li>• teelepel</li> </ul> <p>Hierdie is vir wanneer hul vir hulself 'n teetjie of ietsie te ete wil maak.</p>	<p>Die koshuis/personeel mag geen medisyne - verskaf - nie. Leerders moet ook daarop let dat die oor en weer gebruik van medikasie tussen leerders TOTAAL afgekeur word in opdrag van die WKOD en in ooreenstemming met die <i>Wet op Veiligheid en Gesondheid</i> en die <i>Wet op die Verspreiding van Medikasie</i>.</p>

## Wasgoednommers

Alle kledingstukke word met hierdie nommer en seun se naam gemerk.

7	Markus	Eksteen
11	Hennie	Otto
247	Paul	Van der Merwe
241	Stephan	Rabe
248	Keagan	Eke

# Daaglikse roetine

Dit is belangrik dat u en u seun hierdie roetine sal deurwerk om 'n ge-oliede eerste dag en week te vergemaklik.

Klok	Aksie	Klok	Aksie
<b>Maandag tot Vrydag</b>		<b>Naweek</b>	
		<b>Vrydag</b>	
06:15	Opstaan	14:05	Middageteklok lui
06:35	Stilte	14:30- 15:30	Defensie in studiesaal
06:40	Ete	17:45	Aandete
07:25	Almal uit koshuis	22:00	Ligte uit
		<b>Saterdag</b>	
14:05	Middagete	07:40	Opstaan
15:00 – 17:00	Stilte & studietyd	08:00	Ontbyt (Sportdae aangepas)
18:25	Aandete	13:15	Middagete
19:05 - 20:05	Studie 1	17:45	Aandete
20:05	Studiebreuk & Laatete	22:00	Ligte uit
20:20 - 21:15	Studie 2	<b>Sondag</b>	
21:30	Stilte	07:40	Opstaan
21.40	Ligte uit	08:00	Ontbyt
		09:00	Kerkgangers
<b>Inkomtyd gedurende die week</b>		12:30	Middagete
Ma - Do	06:15 - 07:15	18:00	Aandete
	17:00 – 18:00	19:00	Voordeur sluit
<b>Sondae</b>	<b>17:00 – 19:00</b>	21:30	Ligte uit
		17:00-19:00	Inkomtyd

Mag u 'n wonderlike vakansie saam met u gesin geniet! Seënwense en vrede word jul toegebied.

Jean Stemmet  
 Superintendent  
 082 55 99 024  
 1858@paarljim.co.za



Geagte 2021-koshuisouers,

Of u nou Paarl Gimnasium gekies het vir ons 163 jaar se tradisie, ons akademiese resultate, ons Christelike waardes, ons sport- of kulturele prestasies of net vir daardie onbeskryflike gevoel van vrede in u hart. Dit maak nie regtig saak nie. Wat wel saakmaak, is dat u nou hier is en dat u familie sopas vergroot het. Hartlik welkom by die Gim-familie.

Vir u is dit waarskynlik een van die heel moeilikste dinge dat u seun die huis nou moet verlaat, maar wees verseker dat hulle nou 'n omgewing betree waarin hulle kan floreer en hulle volle potensiaal kan bereik.

Alhoewel ons nie kan waarborg dat die verlange huis toe nie sommige dae oorweldigend kan voel nie, kan ons u wel daarvan verseker dat ons daar sal wees vir u kind deur die goeie tye, die slegte tye en elke oomblik tussenin. As hoofleiers is en sal ons deure altyd oop wees vir gesels, solank u seun die vrymoedigheid neem om te praat as daar ongelukkigheid is.

As daar een ding is wat hierdie jaar ons geleer het, is dit dat tyd werklik vir niemand van ons stilstaan nie. Dis egter belangrik vir u om te weet dat van die beste dae van u kind se lewe nou op hul wag. Die dae waarin hul lewenslange vriendskappe gaan vorm en herrineringe sal maak wat vir ewig by hul sal bly. Die dae waarin hul geslyp word tot jong volwassenes deur waardes soos verantwoordelikheid, bedagsaamheid en respek.

Uit ondervinding kan ons sê dat die besluit om u kind die geleentheid van koshuislewe te gun, die geleentheid om deel te wees van iets soveel groter as hulself, die heel beste besluit is wat u as ouer ooit vir u seun kon maak.

Ons is opgewonde om u in die nuwe jaar te verwelkom en wens vir u 'n feestyd propvol vreugde en kosbare oomblikke toe.

Gimmie-groete  
Johan Lombard  
Koshuishoofseun – 2021







# Huis Mac Credo (Parade)

Ons groet ons huis  
ons huis ons trots.

Mag ons van bo die krag en genade ontvang  
om elke dag met trots, krag en sterkte  
met almal in Gimnasium saam te leef.

Laat dit bekend staan dat ons ja, ja is  
en ons nee, nee is  
en dat ons te alle tye ons maats en meerderes sal respekteer  
en Huis MacFarlane as ons tuiste sal aanvaar.

In Gimnasium staan ons saam om te oorwin.

Gimmie groete van hoofleiers, huiskomitee en jou  
toekomstige koshuisfamilie vir die volgende drie jaar.

